



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 41. Epistola Marciani ad Monachos in Palæstina.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

rent, ut Fidem, & Disciplinam confer-
 varent, ad ea, quæ Episcopi Constanti-
 nopolitani molirentur, vigiles oculos ad-
 verterent, & caverent, ne vel ipsi, vel
 alii Orientis Patriarchæ, quidquam, quod
 Ecclesiæ universalis Disciplinæ obesset,
 attentarent. Hæ epistolæ decima, & un-
 decima Martii, Opilione Consule, nempe
 anno 453. datæ.

S. Leo de his etiam ad Julianum
 scripsit, rogans præterea, se certio-
 rem faceret; quid Monachos Palæstinæ im-
 pulisset, ut tumultuarentur; an Euty-
 chis amor, vel zelus imprudens contra Juve-
 nalem Jerosolymitanum, qui Eutychi
 olim favebat, animos concitasset. Petit
 etiam, ut sibi scribat, quid Monachi in
 Egypto, & Ecclesiæ Alexandrinæ age-
 rent. Mandat, ut Acta Concilii Calce-
 donensis, exacte in Latinum translata, &
 in unum Volumen collecta, ad se trans-
 mittat.

§. XLI.

*Epistola Marciani ad Monachos in
 Palæstina.*

Elapsis paucis diebus, causa turbarum
 in Palæstina, & quid iis reprimendis
 Imperator fecisset, ad S. Leonem delata
 sunt. Abbates, Monachi Jerosolymitani,
 & qui in vicinia habitabant, Pulcheriæ
 Augustæ Libellum supplicem tradide-
 runt;

Xx 5

Sæculum V.
A. C. 453.

Ep. 86. c. 3.

Sæculum V. runt; infontes se dicebant, &, si quid
 A.C. 453. peccatum, eam incolarum Jerosolymæ,

& peregrinorum culpam esse. Imperator Marcianus, Episcopo Juvenale, qui tunc Constantinopoli erat, consilium suggerente, ad hos Monachos epistolam dedit, in qua hortatur, ut quieti se dedant, Episcopis obedientes sint, & alios docere non præsumant. Dicit deinde, singula ad suam delata fuisse Notitiam, Actis authenticis ad se missis, quæ Jerosolymæ acta fuissent, & postquam ea, quæ per vim, & insolenter fecerant, recensuit, subdit: *hæc profecto amore Fidei non fecistis, sed cupiditate invadendi Episcopatus, quibus prorsus indigni estis. Ceterum valde miramur, qua mente Eutychi Anathema dicatis, Theodosium, Discipulum ejus, & omnium Turbarum Auctorem, sequentes? Impietatem vestram, & crimina vestra Dominus noster Jesus Christus Magister, & Salvator judicabit, & sine dubio puniet; Nos vero pœnas exposcere a Monachis nolumus. Hæc solum præcepimus, ut Jerosolymæ Incolæ in obedientia continentur, Pax reducatur, & qui vel cadis, vel incendii rei sunt, meritis suppliciiis tollantur. Quia vero vox: duæ Naturæ, animos vestros perturbavit, cum putaretis novam esse, scitote, vestrum non fuisse, quæstiones examinare, quæ captum vestrum longe superant; Nos autem, Pa-*

p. 857.

p. 860.

trum

trum *Doctrinae inherentes, credimus, Do-* Sæculum V.
A. C. 453.
minum Nostrum Jesum Christum verum
Deum esse, & verum Hominem. Tum
 Fidem de Incarnatione explicat, præfer- p. 861.
 tim adversus Nestorii errorem, cui fa-
 visse Concilium Calcedonense dicebatur.
 Hanc Notam a Concilio penitus amoli-
 tur, & addit: *præcepimus, ne quisquam*
cogatur subscribere, aut consentire, si no-
lit, non enim minis, & vi, homines
ad viam veritatis pertrahere nobis ani-
mus est.

Quia etiam conquesti estis, quod Sama-
rita Ecclesias violaverint, cædes, & alia
crimina commiserint, scitote, Nos Comiti
Dorotheo mandasse, ut, omnibus diligen-
ter exploratis, Ecclesiis, & privatis, quæ
ablata fuere, restitui jubeat, & a reis pæ-
nas exposcat; sed hæc nihil ad vos. Eidem p. 864.
quoque Comiti Dorotheo præcepimus, ut
equos, & viros, qui in urbis Jerosolymi-
tanae præsidium immissi fuerunt, e Mona-
steriis vestris abducat. Ergo in pace vi-
vite; a Catholicorum Communione, &
Fide non recedite, & cætus separatos non
agite! scitis enim id Principes, Præde-
cessores Nostros, sub gravibus pænis probi-
buisse. Hæc ad preces Episcopi Juvena-
lis vobis scribere voluimus, & Clementiæ
nostræ signa dare, quia speramus, vobis
sanio rem mentem reedituram.